

UzPowerTrade moliyaviy ko'mak mexanizmi

Mamlakat:	O'zbekiston
Loyiha raqami:	53855
Faoliyat sohasi:	Energy Eurasia MEA
Bildirishnoma turi:	DAVLAT
Ekologik toifasi:	B
Tasdiqlanish muddati sanasi:	2022-yil, 19-oktabr
Qaysi bosqichdaligi:	O'rganish jarayonida
Loyihaning qisqacha mazmuni chop etilgan sana:	

Loyiha mazmuni

O'zbekiston Respublikasiga, shu yerda ro'yxatdan o'tgan, elektr energiyasini uzatish va taqsimlash bo'yicha davlat korxonasi hisoblangan "O'zbekiston milliy elektr tarmoqlari" aksiyadorlik jamiyatining ("O'MET") tartibga solinuvchi joriy xarajatlarini molyalashtirish uchun 106 million AQSH dollarigacha bo'lgan kredit mablag'lari ajratish.

Loyiha maqsadi

Bu mexanizm makroiqtisodiy jihatdan qiynalib qolgan va pandemiyadan keyingi davrda faoliyati nisbatan cheklangan O'METga zarur bo'lgan likvidlikni ta'minlash orqali O'zbekistonning mazkur asosiy energetika kompaniyasiga yordam beradi.

O'tish davri ta'siri

Kutilayotgan o'tish davri ta'sirining bahosi: 62

Shuningdek, bu loyiha ikki xil turdagi ta'sirga ega.

Barqarorlik: bu loyiha tashkiliy tuzilma va korporativ boshqaruv amaliyotini mustahkamlashga qaratilgan chora-tadbirlar majmuasi bilan yagona xaridor funksiyasini qo'llab-quvvatlaydi.

Inkluzivlik: shuningdek, loyiha yaqinda qabul qilingan xotin-qizlarni himoya qilish va gender tengligi to'g'risidagi qonun hujjatlari hamda 2030-yilga qadar O'zbekiston Respublikasida gender tenglikka erishish strategiyasiga muvofiq O'MET bilan gender tenglik tamoyillari bo'yicha hamkorlikni yanada kengaytiradi.

Mijoz haqida

O'ZBEKISTON SUVEREN

Ushbu kredit O'METga yakuniy kredit oluvchini kreditlash sharti asosida beriladi. O'MET – O'zbekistondagi yuqori voltli elektr energiyasini uzatish va taqsimlash tarmog'i uchun mas'ul bo'lgan davlat energetika kompaniyasidir.

YTTBdan ajratiluvchi moliyaviy mablag'lar

106 000 000,00 AQSH dollari

Loyihaning umumiy qiymati

106 000 000,00 AQSH dollari

Ekologik-ijtimoiy xulosa

B toifasiga kiritildi (ESP 2019) Mijozning operatsion xarajatlarini moliyalashtirish orqali likvidlikni qo'llab-quvvatlash loyihaning ekologik va ijtimoiy ta'siri bilan bog'liq bo'lib, uni risoladagidek boshqaruv amaliyotlarini joriy etish orqali osongina baholash va bartaraf qilish mumkin.

O'MET YTTBning joriy mijozi sanalib, u 2018 va 2022-yillarda amalga oshirilgan qator loyihalar bo'yicha majmuaviy korporativ ekologik va ijtimoiy ekspertizadan ("ESDD") o'tgan. Bu ekspertiza esa, O'MET atrof muhitni muhofaza qilish va ijtimoiy himoya sohasidagi O'zbekistonning milliy qonunchilik asosida faoliyat ko'rsatishini hamda unda YTTBning loyiha talablariga muvofiq loyihalarni amalga oshirish uchun institutsional imkoniyati borligini tasdiqladi.

Bank boshqa loyihalarning kapital xarajatlari doirasida loyihani amalga oshirish guruhi ("PIU") maslahatchilarini jalb qilish orqali O'METning institutsional ekologik hamda ijtimoiy salohiyatini mustahkamlanishini qo'llab-quvvatlaydi.

Hozirda ushbu loyiha uchun kompyuterda ichki ESDD amalga oshirilmoqda. Bu ekspertiza mijozning atrof-muhit va ijtimoiy muhofaza qilish qoidalariga muvofiqligini tekshirish, ekologik va ijtimoiy boshqaruv tizimlariga amal qilishning joriy holati va avvalgi loyihalar uchun ma'qullangan korporativ Ekologik va ijtimoiy harakatlar rejasini ("ESAP") amalga oshirishdagi tegishli yutuqlarni o'z ichiga oladi.

Bank O'zbekiston energetika sektorida yangi tashkil etilgan kompaniyaning ekologik va ijtimoiy muhofaza qilish salohiyatini yaratish hamda YTTB Ekologik va ijtimoiy siyosatiga ("ESP") muvofiq ekologik va ijtimoiy boshqaruv tizimini yaratishda yordam berishga harakat qiladi. Zarurat tug'ilganda, ESDD asosida har qanday ehtimoliy kamchiliklarni bartaraf etish uchun ESAP ishlab chiqiladi.

Ushbu loyihaning qisqacha mazmuni ESDD yakunlangandan keyin yangilanadi.

Texnik ko'mak

Texnik ko'mak quyidagilarni o'z ichiga olishi mumkin:

- yagona xaridor funksiyasining tashkiliy tuzilmasi va korporativ boshqaruv amaliyotini mustahkamlashni qo'llab-quvvatlashga oid siyosat bo'yicha tegishli siyosiy muloqot topshiriqlari;
- loyihani tayyorlash va amalga oshirishni qo'llab-quvvatlash.

Ushbu vazifalarni amalga oshirish uchun donor mablag'lari YTTB Ta'sischilarining maxsus fondi ("SSF") va/yoki xalqaro donorlardan so'raladi.

Qo'shimchalilik sharti

Moliyaviy tuzilma: Bundan tashqari, Bank hozirda moliyalashtirishning mahalliy bozorda mavjud bo'lmagan shartlardagi tuzilmasini taklif qiladi. Bunda, xususan, COVID-19 pandemiyasi oqibatida yuzaga kelgan cheklangan likvidlik muammosi hisobga olinishi kompaniyaning moliyaviy mustahkamligini saqlashga yordam beradi.

Siyosiy, sohaviy, institutsional yoki me'yoriy o'zgarishlar: Loyiha yagona xaridor funksiyasini qo'llab-quvvatlovchi bir qator texnik ko'mak topshiriqlarini o'z ichiga oladi.

Kompaniyaga murojaat qilish uchun ma'lumot

Farrux Yunusxo'jaev
farrukh.npg@gmail.com
+998 71 236-62-26
<https://uzbekistonmet.uz/>

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168
E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794
E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy](#)

[siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lgan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi murosani qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosati](#)ning loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.